



Caderno da crítica

Cuestionario Proust: Moncho Iglesias

[Ramón Nicolás 4 Maio 2015](#)

1.– Principal trazo do seu carácter?

-Paciencia.

2.– Que calidade aprecia máis nas persoas?

-A honestidade.

3.– Que agarda das súas amizades?

-Que entendan porque río e porque choro.

4.– A súa principal eiva?

-A impuntualidade.

5.– A súa ocupación favorita?

-Ler tombado ao sol na praia.

6.– O seu ideal de felicidade?

-Estar preto da xente que quero, non lonxe dunha praia de auga quente, fumando narguila, lendo un libro e cheirando a café.

7.– Cal sería a súa maior desgraza?

-A perda dun ser querido.

8.– Que lle gustaría ser?

-Abandeirado nas Olimpíadas.

9.– En que país desexaría vivir?

-Alí onde estea a xente que quero e que me quere.

10.– A súa cor favorita?

-Amarela.

11. – A flor que máis lle gusta?

-A chorima.

12.– O paxaro que prefire?

-O periquito.

13.– A súa devoción na prosa?

-Carlos Fuentes.

14.– E na poesía?

-Nicanor Parra.

15.– Un libro?

-A *Biblia*.

16.– Un heroe de ficción?

-Raskolnikov.

17.– Unha heroína?

-Lilith.

18.– A súa música favorita?

-O merengue.

19.– Na pintura?

-Frida Kahlo.

20.– Un heroe ou heroína na vida real?

-A miña avoa.

21.– O seu nome favorito?

-Breixo.

22.– Que hábito alleo non soporta?

-Calquera que empece por auto (autofotografarse...).

23.– O que máis odia?

-A hipocrisía.

24.– A figura histórica que máis despreza?

-Hitler.

25.– Un feito militar que admire?

-A revolución dos caraveis.

26.– Que don natural lle gustaría ter?

-Cantar.

27. – De que maneira lle gustaría morrer?

-Sen dor e onda a xente que quero, para poder despedírmonos.

28.– Cal é o seu estado de ánimo máis habitual?

-Alegre.

29.– Que defectos lle inspiran máis indulxencia?

-A ignorancia.

30.– Un lema na súa vida?

-Podemos (léase: «a desalambrar»).